

egunekoa

Carlos Taibo

(Madrilgo Unibertsitate Autonomoko Zientzia Politikoko irakaslea)

Estatubatuaren haserrearen jomuga

Ameriketako Estatu Batuek Iraki dagokionez 2002ko udarako dituzten helburuak iraganeko berak dira: behin betiko kontrolatzea Iraken petrolio, eta betiko galarratea herri hartan arabiar munduko beste leku askotan ageri diren miseriak alde batera uztearren eredu propio bat gorpuzteko edozein aukera.

Oraingo honetan bitarteko guztiak erabilia Estatu Batuek Iraki berriz erasotzeko justifikazio nagusia, guztiaz ere, iruzurrezko argudio honetan oinarritzen da: ba omen dago frogatzeko moduko lotura bat Saddam Husseinen erregimenak ustez suntsiketa masiboko armak izatearen eta nazioarteko terrorismoaren artean. 2001eko irailaren 13an, AEBetako Defentsa idazkariorde Paul Wolfowitzek «terrorismoa babes-ten duten estatuak suntsitu beharra» aipatu zuen, argi eta garbi Iraki buruz ari zela. Baina axola gutxikoa zen ezerk ez frogatzea aipatu berri dugun lotura: New York eta Washingtonen aurkako erasoen ondoko egunetatik, AEBetako Gobernuak bozeramaileek askotan esan zuten errepresaliak izango zirela Iraken aurka, Saddam Husseinen erregimenak haiekin zerikusia zuela frogatuta edo frogatu gabe.

AEBek Iraki erasotzeak, ordea, oso egoera zailean jar litzake Washingtonen harreman sendoagoa duten herri arabiarrek, herrien erantzun logikoaren oso bultzatzaile ahaltsua izango litzatekeelako; are gehiago, kontuan hartuz AEBak ez direla gauza Palestinako gatazka egokiro konpontzeko. Azken horrek, bide batez esanda, Iraken aurkako Estatu Batuen eraso militarra atzeratu behar izatea ekar lezake,

AEB-EN BALIZKO ERASOA

Iraki erasotzeak oso egoera zailean jar litzake AEBekin harreman sendoagoa duten herri arabiarrek

ERRUSIA

Moskuk Iraken dituen interes ekonomikoak errespetatuko dituztela agindu dute AEBek

neurri handi samar batean ezinbestekoa duelako Afganistango egoeran ere aldaketa batzuk gertatzea, eta, ondorioz, Persiako Golkoko arreta eta indarrak biltzeko aukera izatea. Nolanahi ere, 2002ko urtearen hasieran argi geratu zen, eta hau adibide bat baino ez da, Saudi Arabiak ez zuela begi onez ikusten orain hizpide dugun eraso, eta jarrera hori, beharbada, ulergarria da kontuan hartzen bada Bagdaden men-
debaldearen aldeko erregimen bat ezarri gero, petrolio esportatzeko kuota handiagoak izango litzatekeela, eta horrek kalte nabarmena egingo liekeela azken hamarraldian Iraken ahu-
leziatik etekina ateratu dutenei.

Duela hainbat urtetatik, bestalde, 1991n Iraken aurkako operazioa aldeztu zuten herri arabiarretako askotxok Ameriketako Estatu Batuen bahimendu eta bonbardaketa politikatik urruntzea erabaki zuten. Aski izango da gogoratzea 1998an politika hori aldeztu

zuten hogeitahirietatik bakar bat –Kuwait– zela arabiarra, eta 1991n hamahiru egon zirela Iraken aurkako nazioarteko koalizioan. Adierazgarria izan da, halaber, Liga Arabiarrean gertatutako aldaketa, Bagdad bere baitan berriz onartu ondoren argi eta garbi egin zuelako nazioarteko zigorraren amaiera eskatzearen alde. Washington aipatu berri ditugun modukoengatik kezkatzen hasia dela adierazten du honako honek: *Kommersant-Vlast* astekariaren arabera, Moskuk Iraken dituen interes ekonomikoak guztiz errespetatuko dituztela agindu diote AEBek Errusiako presidentei Putini, baina horren truke eskatu diote abian ez jartzeko Nazio Batuen sistema AEBen ekin-tza militar bat gertatuz gero.

Aurreko guztia gutxi balitz bezala, AEBek apenas duten Saddam Husseinen erregimenaren ordezkari aukera politikorik –Irakeko oposizioa oso zati-tuta dago, eta hartako buruzagien sin-esgarritasuna oso txikia da–, eta orain, 1991n bezala, kontu handiz neurtu behar dituzte herria desegingo balitz horrek ondorioz ekarriko litzakeen arriskuak. Hala bada, guztiz baztertu beharko ote litzateke Washington-
nek, azkenean, Saddam Hussein beste behin estuasunetik ateratzea? Edo, bestela, haren lankide gertuenetako bat sustatzearen alde egitea, betiere si-netsita horrela Irakeko Estatua desegiteko aukera uxatuko dela, hala nola askok 1991n egungo presidentearen aitak zuela ziorten asmoa –Saddam Hussein ordezkatu haren erregimena errespetatuta– azkenean beteko dela?

Erredakzioan itzulia

zutabea

Kepa Korta

Iragarkiak eta sentsibilitateak

Hementxe bertan salatu nuen behin euskal telefono konpainia autonomikoaren «Kuota, Kuota!» telebista iragarkiaren kutsu xenofobo eta indarkeriazalea. Bistan da ez zidatela kasu handirik egin Euskaltelen publizitate-arduradunek, ez asiar etorkinen eskubideen aldeko elkarteek, ezta non-nahitik datorrela ere indarkeriaren aurka eta elkarrizketaren alde aritzen diren gober-nuz kanpoko erakundeek ere. Hor konpon, baina iragarki horretan agertzen den indarkeria gratuito eta asiarren erridikulizazioa edo-nork ikus ditzake; ez ditut nik asmatu.

Ezin gauza bera esan *Axe* desodorantea emanda medikuaren kontsultara doan gazte-aren iragarkiari buruz. Hor emakumezko medikuak mutilari egindako felazioa ikusi zuen Madrilgo (Espainia) Medikuen Elkargoak: emakumezko medikuen (edo emakumeen eta medikuen?) duintasunaren kontrako iraina. Zeusek eta Santa Luziak gorde diezaiela bista! Zin dagizuet nik ez dudala halakorik ikusi. Gai-nera, felaziorik egotekotan, bi partehartzaile-en oniritziarekin egindakoa litzatekeela ez da-go dudarik. Non da orduan problema? Nola-nahi ere, medikuen salaketak berehala ekarri zuen iragarkiaren desagertzea. Medikuen sentsibilitatea asiar etorkin eta bakezaleena baino urrakorragoa da, nonbait; edo agintari eta marka komertzialek ere begirune gehiago diote medikuen sentsibilitateari etorkinenari baino.

Eta zer esan arropa saltzaile emakumezko-en sentsibilitateari buruz? Hona iragarkia: mutila probadorean dago, kortina itxi gabe, is-piluari begira, jantzitakoa ongi geratzen zaion erabakitzen, saltzailearen iritzia-aren laguntza-rekin. «Hauxe eramango dut»; «Bai, bai, oso ongi geratzen zaizu», edo antzeko zerbait, dio saltzaileak. Zeri buruz ari dira? «Durex. Inno-vación tecnológica». Ez da posible mutil bat kondoiak probatzen aritzea, zakila behar be-zala gogortu gabe. Zeinek lagundu dio gogor-tzen, saltzaile irribarretsu hori ez bada? Ez da-kit zeren zain dagoen Madrilgo *Dependientes* Elkargoa dagokionari salaketa egiteko. Ez du-te medikuek duten bista, sentsibilitate eta duintasunik, ala?

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

Batasunaren ilegalizazioaren aurka

Txema Oderiz Azkona (*Administrazioan Euskaraz taldearen izenean*)

Administrazioan Euskaraz taldeak bere iritzia eman nahi du Batasunaren ilegalizazioaren aurrean. Gure taldea Batasunaren ilegalizazioaren guztiz aurka dago, ondorengo arrazoiengatik:

Lehenengoa. Urrats antidemokratikoa da, baina ez hausnartu gabekoa. Estrategia baten barruan dago: Euskal Herria ukatzea, euskara baztertzea eta euskal-dunon hizkuntz eskubideak zakarrontzi-ra botatzea ardatz dituen estrategia.

Bigarrenia. Gure arloan Batasunaren lana (Herri Batasunaren lana edo Euskal Herriarrok-en lana bezala), oro har, oso ongi baloratzen dugu: Euskal Herriko Administrazioak euskalduntzeko egin-dako lana, alegia.

Hirugarrena. Batasunaren ilegaliza-zioa ez da alderdi baten aurkako ekime-na soilik. Sektore askok pairatuko du horren ondorioa. Administrazio euskal-duna lortzeko lanean ari garenok jasan-en dugu kalte horren ondorioa. Horre-xegatik, ilegalizazio horren aurka aritzean, gure defentsan ari garela irudi-tzen zaigu.

Batasuna alderdia izan gabeko esze-

natokia irudikatzea ez da lan zaila. Berriozar dugu adibidea. Alderdi espa-nolisten laguntzaz, PSOE alderdiak lortu zuen Euskal Herriarrok-i alkatetza ken-tzea, ETAren atentatu bat gaitzetsi ez zuelako.

Ondoren, Berriozar Udaleko hiz-kuntz profilek murrizpen nabarmena jasan zuten. Lehen, 62 langiletik 11k euskaraz jakin behar zuten; 41 lanpostu-tan, euskaraz jakitearen balioa deialdiko puntuen %10 zen; 10 lanpostutan, euskaraz jakitearen balioa deialdiko pun-tuen %5 zen. Gaur egun, 84 langiletatik 3k euskaraz jakin behar dute; 51 lanpos-tutan, euskaraz jakitearen balioa merezi-

menduen baremoko %5 besterik ez da (ez deialdiko puntuen %5); 30 lanpostu-tan ez da ezertxo ere baloratzen.

Hori Berriozar Udaleko gobernu taldetik Euskal Herriarrok baztertzearen ondorioa izan bazen, udal guztietatik Batasuneko zinegotzi guztiak desagerta-raztearen ondorioak kalkulatzeko bidea ematen du.

Batasuna ilegalizatzearen atzean dagoena suma dezakegu, eta datorrena-ri begiak itxita ez diogu itxarongo. Administrazioan Euskaraz taldeak Bata-suna ilegalizatzearen aurkako jarrera adierazten du eta horren aurka aritzeko ere deia egiten dugu.